



27 OKT. 2017

Inatsisartunut Ilaasortaq Per Rosing-Petersen, Partii Naleraq
Inatsisartut Allattoqarfiat
/Maani

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Pilersuisup niuerfigisartakkaminik annertusaaneranut tunngatillugu Naalakkersuisut isumaat pillugu § 37 naapertorlugu apeqqummut nr. 2017/235-imut akissut.

Asasara Per Rosing-Petersen,

Pilersuisup niuerfigisartakkaminik annertusaaneranut tunngatillugu Naalakkersuisut isumaat pillugu § 37 naapertorlugu Naalakkersuisunut apeqquteqarputit. Apeqqutigisatit uannit akisassanngortinneqarsimapput.

Imatut apeqquteqarputit:

1. Naalakkersuisut pilersaaruteqarnerlutik Pilersuisoq A/S-ip illoqarfinni ineriartorfiusuni sisamani Ilulissani, Sisimiuni, Nuummi aamma Qaqortumi pisiniarfiliornissaanik?
2. Pilersaarutillu qanoq isikkoqarpat?

Apeqqutigisannut tunngatillugu aallarniutigalugu ileqqorissaarnissarlu eqqarsaatigalugu ilisimatitsissutigissavara Pilersuisoq ullumikkut KNI A/S-ip immikkoortortaatus inissisimammat, aktiaateqarfittut namminerisamik ingerlasutut inissisimanani. Tullinguullugu ilisimatitsissutigisinnaavara Pilersuisup illoqarfinni sisamaasuni Ilulissani, Sisimiuni, Nuummi Qaqortumilu pisiniarfiliornissaminut pilersaarutaanik Naalakkersuisut takusaqarnikuunngimmata.

Ilanngullugu ilisimatitsissutigisinnaavara KNI A/S-ip suliarisartagaasa niuerutigisartagaasalu ineriartortinneqarnissaanut tunngasut KNI A/S pillugu inatsisartut peqqussutaata 1997-imi akuerineqarneratigut aalajangersarneqarnikuunngimmata. Tamatuma kingorna peqqussut KNI Pisiffik A/S-ip 2001-imi namminersortunngorsarneranut atatillugu allanngortinneqarpoq aammalu 2004-imi KNI A/S-ip niuernikkut suliarisartagaasa aalisakkerinernik, toqoraaveqarnermik, nunaqarfinnit nunaqarfinnullu usinik ilaasunillu assartuisalernissaanik piginnaatinneqalerneranut atatillugu allanngortinneqarqilluni.

Pilersuisup niuernikkut isumagisartagaasa nunatsinni najukkani sorlarni ingerlanneqartusaaneranut tunngasut KNI A/S-ip Naalakkersuisullu nunaqarfinnut isorliunerusunilu pilersuinissaq eqqarsaatigalugu konto pingaarneq 64.10.12 naapertorlugu sullissinissamik isumaqatigiissutaanni allassimapput.

Inussiarnersumik inuulluaqqusillunga

Kim Kielsen

25-10-2017
Suliat nr.: 2017 - 24106
Allakkat nr. 4658136

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl